



खुदर गे बाइबल  
एद'अना

एकाबारी धर्मेस  
हुरमीन कमचस



तरती तूड़तारकी र'ई: Edward Hughes

तरती कमतारक'आ र'ई: Byron Unger; Lazarus  
Alastair Paterson

तरती हो'अतारकी र'ई: Bob Davies; Tammy S.

तरती उल्था नन्तारकी र'ई: इसान निंगहय नामे तूड़आ

तरती कमतारकी र'ई: Bible for Children  
[www.M1914.org](http://www.M1914.org)

©2021 Bible for Children, Inc.


लाइसेंस: इदिन मल बीसना गूटी, निंगहय गुसन ई कहानीन  
काँपी महले प्रिंट नन्ना हीं हक र'ई।




ने नमन कमचस? बाइबल, धर्मेस हीं बचन, तिंगी का  
मनुख जाइतर हीं शुरु एकन्ने मंजा । ढेर अगे धर्मेस पहिला  
आलासिन कमचस अउर आस हीं नामे आदम उइय्यस।  
धर्मेस आदमसिन खेखेल ता खज्ज ती कमचस। एकाबारी  
धर्मेस आदमस नु सांस ऊरचस, आस नु जिया बरचा  
केरा। आस तंगन अदन नामे  
ओन्टा सुन्दर कुना  
बडगी नु खकिख्यस।



आदमसिन कमना ती अगे, धर्मेस खेखेल राजीन हयकट  
जिनीस गुट्ठी ती निंद'अर की दाव कना कमचस। लहे-लहे  
धर्मेस परता-टुगंरी अउर कौंहा-कौंहा टौंका अड्डा, च'अना पंप  
अउर मेच्छा मन्न, बिल्चना डेना अवला ओड़ा अउर भौं-भौरना  
दुम्बा, डेगेच-कुद्दना ह्वेल इंजो अउर नुर्दना अवला गुंगही  
कमचस। सच्चैम नु धर्मेस हुरमीन कमचस-हुरमीन।




एकदम शुरू नु, धर्मस  
हीं जोकक चीज कमना  
ती अगे, धर्मसिन अम्बर  
की एन्द्रा हुँ मल रहचा।  
ना आलार, ना अड्डा,  
ना चीज एन्द्रा हुँ मला।  
ना बिल्ली रहचा अउर  
ना ऊखा। ना मंडर्याँ  
अउर ना किय्या। ना  
चेरो अउर ना नेला।  
खली धर्मस रहचस  
नेखय शरूवात मल  
रहचा। तैकर धर्मस  
नलख नंजस।




शुरू नु, धर्मेस मेखी अउर  
खेखेल राजीन कमचस।



अउर खेखेल राजी सुनसान  
अउर बेगर रूप हीं रहचा।  
अउर गुलगुल ऊखा  
रहचा। खर्ने धर्मेस  
बाचस, “बिल्ली  
मनय कलय।”




अउर बिल्ली मंजा। धर्मेस बिल्लीन उल्ला बाचस अउर  
ऊखान आस माखा बाचस। अउर पुतबारी बितरा अउर तेकर  
पइरी मंजा, ई लेखा पहिला उल्ला मंजा।





दुसरा उल्ला धर्मेस कौंहा सागर, समुंदर, अउर झील ता  
अम्मन मेर्खा किय्या सपडाचस ओंद्रस। तिसरा उल्ला  
धर्मेस बाचस, “खईक’आ खेखेल मनय कलय।” अउर  
आद मंजा केरा।



धर्मेस घांसी अउर पुंप अउर खोप्पा अउर मन्नन हूँ मना गे  
पे:सस। अउर अबड़ा मंजा। अउर पुत्तबारी बितरा  
अउर तेकर पइरी मंजा, ई लेखा  
तिसरा उल्ला मंजा।



तेकर धर्मेस चाँदो, अउर बीड़ी, अउर  
ओन कधना बीनको कमचस, एकदन  
नेहर हँ गिन'आ पोलनर। अउर अउर  
पुतबारी बितरा अउर तेकर पइरी  
मंजा, ई लेखा चौथा उल्ला मंजा।



समुंदर ता जीव अउर इंजो अउर  
ओः डा धर्मस हीं खोखा ता  
गनती नु रहचा। पाँचवा उल्ला  
न आस कोंहा इंजो अउर  
तेगाइंजो अउर सन्नी सार्डीन  
इंजो, दिगहा खेड्ड अवला  
शुतुरमुर्ग अउर खुशी र'अना  
अवला हर्मिंग ओः इन कमचस।  
धर्मस खेखेल ता अम्म नु हरमी  
किसीम हीं इंजोन निंद'आँ गै  
अउर खेखेल, समुंदर अउर  
बदाली हीं रिझ हौ'आ गे ओः  
इन कमचस। अउर पुतबारी  
बितरा अउर तेकर पड़री मंजा,  
ई लेखा पाँचवा उल्ला मंजा।



इदिहीं खोखा, धर्मेस अउर कसनखस। आस बाचस, “खेखेल!  
उज्जु जीव गुट्ठीन सिर्ज'अय” खने हरमी किसीम हीं जानवर  
अउर बीबी गुट्ठी अउर घेसइरना जन्तु गुट्ठी मंजा केरा।  
खेखेलन नकना लेखा हाथी अउर ओंसगा, चिलबिटया बंदरा  
अउर फुहाड़ी मंगर, लेंडा अउर कोस्टा, ढिलंग-ढपा ईकू  
जिराफ अउर म्याँऊ-म्याँऊ नन्ना बेरखा, धर्मेस आ उल्ला नु  
हरमी किसीम हीं जानवर कमचस।

अउर पुतबारी बितरा अउर तेकर पइरी मंजा,  
ई लेखा छाटवा उल्ला रहचा।



धर्मेस छाटवा उल्ला नु ओन्टा खास नलख नंजस- कोड़हेम  
खास। हरमी चीज आलास गे सपड़ाचक'आ रहचा। टोंका नु  
ओन्ना-मोखना अउर नलख नना गे जानवर रहचा। अउर  
धर्मेस बाचस, “गुचा नाम नमहय रूपे नु आल कम'ओत।  
अउर ई खेखेल राजी न आसिन  
अबड़र हीं उरुब मना चि'ओत।”  
खने धर्मेस आस हीं रूपे  
नु आलासिन कमचस।



धर्मेस आदमसिन  
बाचस, “बडगी ता  
एन्द्रन मोखा  
बेद्दय अदिन  
मोखा। लिकिन दाव  
अउर मलदाव लूर  
चि'ऊ मन्न ता  
खंजपन अमके  
मोखा। अगर आ  
मन्न ता खंजपन  
मोखोय होले खे:  
ओय कालोय।”



अउर उर्बा धर्मेस बाचस, “आलास गे ईद दाव मल्ली का आस  
एकले र’ओस। एन आस गे ओरोत संग्गे चि’अना अवला  
कम’ओन।” धर्मेस हरमी जंगली जानवर अउर ओ: डा-खाखन  
आदमस गुसन ओन्द्रस। आदमस अबड़ा  
हरमी हीं नामे पिंजयस। एन्ने नना गे  
आस बग्गेम होशियार मंजस हं’अन।  
लिकिन हरमी ओ: डा अउर जानवर नु  
आदमस गे ओन्टा हुँ जुमुरना संग्गे  
मल रहचा।





धर्मेस आदमसिन खंद्रताचस। खंद्र'ऊ आदमस हीं ओन्टा  
पंज्रान ओथ्र'अर की धर्मेस आदमस हीं पंज्रा ती आली  
कमचस। धर्मेस एका आलीन कमचस, आद आदम हीं संग्गे  
मना गे एकदम दाव रहचा।



धर्मेस छाटवा उल्ला नु हरमीन कमचस। तेकर  
धर्मेस सातवा उल्लान औशीष चिच्चस अउर  
अदिन खन्न एखा गे कमचस। अदन बडगी नु  
आदमस अउर हव्वा धर्मेस हीं कत्था नु  
पे:सर'अर की अज्जम खुशमारनुम  
रहचर।धर्मेस आर हीं उबोस, आर हीं  
चि'उस अउर आर हीं संग्गेस रहचस।



एकाबारी धर्मेस हुरमीन कमचस

धर्मेस हीं बचन ती ओन्टा खीरी, बाइबल,

इय्या खकखरी'ई

सिरजन 1-2

“निंगहय बचन हीं बखडे बिल्ली चि'ई।”

अस्सना पड़ना 119:130



मुंजरा



इबड़ा बाइबल खीरी नमन नमहय हयकट धर्मस हीं बारे नु तिंगी, ने नमन कमचस अउर आस चहदस का नीन आसिन अख'आ।

धर्मस अखदस का नाम मलदाव नलख नंजक'आ र'अदत, एकदन आस पाप ब'अदस। पाप हीं सस्ती खे'अना हेके, लिकिन धर्मस निंगन अज्जम चोन्हा नंदस औंगे आस तंगहय ओन्टा एकला तंगदस यीशुसिन तइय्यस का क्रुस नु खे'ओस अउर निंगहय पाप गे सस्ती खक्खोस। तेकर यीशुस उज्जा चोचस अउर तंगहय एइपा मेखा राजी केरस! अगर नीन यीशुसिन पत्त'ओय अउर निंगहय पाप गे छमा ने'ओय, होले आस छमा ननोस चि'ओस। आस अक्कन बर'ओस अउर निंगहय जिया नु र'ओस, अउर नीन आस गने जिनगी जुग उज्जोय।

अगर नीन इदिन मानिम पत्त'अदय होले इदिन धर्मस ती ब'आ: अना यीशु, एन पत्त'अदन का नीन धर्म हेकदय, अउर एंगहय पाप गे आल बंचकय की केचकय, अउर अक्कन उज्जने र'अदय। सोगगे एरर की एंगहय जिनगी न बरा अउर एंगहय पापन छमा नना, एकात्तुक अक्कन एंगहय पुना जिनगी मनो, अउर उन्दुल निंगहय गने जिनगी जुग र'ओन। एंगन निंगहय खद्द लेखा निंगहय कत्थान पे:सर'आ गे अउर निंगा उज्जा गे सहारा चि'आ। आमीन।

रोजेम बाइबल पढ़'आ अउर धर्मस गने कसनख'आ! योहन 3:16

